

॥२॥ प्रा॒णोऽपा॒नो व्या॒न इति । अष्टा॒वक्ष॒राण्यष्टा॒क्षर॑ ह वाऽए॒कं गा॒यत्र्यै पद॒-  
मे॒तद् ह॒ैवा॒स्या ए॒तत्स या॒वदि॒दं प्रा॒णि ता॒वद् ज॒यति॒ योऽस्या ए॒तदे॒वं पदं वे॒द  
॥३॥ अ॒थास्या ए॒तदे॒व । तुरी॒यं दर्श॑तं पदं परो॒रजा य एष त॒पति यद्वै च॒तुर्थं  
तत्तुरी॒यं दर्श॑तं पदमि॒ति दद॑शऽइ॒व क्षे॒ष परो॒रजा इति॒ सर्व॑मु॒ क्षे॒ष रज॒ उप॒र्युपरि॒  
तप॑त्ये॒व ह॒ैव श्रि॒या य॒शसा त॒पति॒ योऽस्या ए॒तदे॒वं पदं वे॒द ॥४॥ सैषा गा॒य-  
त्र्ये॒तस्मिंस्तु॒रीये । दर्श॑ते पदे परो॒रज॒सि प्र॒तिष्ठि॒ता तद्वै त॒त्सत्ये प्र॒तिष्ठि॒ता च॒क्षुर्वै  
सत्यं च॒क्षुर्हि वै सत्यं त॒स्माद्यदि॒दानीं द्वौ वि॒वद॒मानावे॒याताम॒हम॒द्राक्ष॒महम॒श्री-  
षमि॒ति य ए॒व ब्रू॒याद॒हम॒द्राक्ष॒मिति॒ तस्मा॑ऽए॒व श्र॒द्दध्यात् ॥५॥ तद्वै त॒त्सत्यं ब॒ले  
प्र॒तिष्ठि॒तम् । प्रा॒णो वै ब॒लं त॒त्प्राणे प्र॒तिष्ठि॒तं त॒स्मादाहु॑र्ब॒लं स॒त्यादो॒जीय इ-  
त्ये॒वम्वेषा॒ गा॒यत्र्य॒ध्यात्मां प्र॒तिष्ठि॒ता ॥६॥ सा ह॒ैषा ग॒यांस्त॒त्रे । प्रा॒णा वै ग॒या-  
स्त॒त्प्राणांस्त॒त्रे तद्य॒द्गयांस्त॒त्रे त॒स्माद्गा॒यत्री ना॒म स या॒मेवा॒मम॒न्वाह॒ैषैव सा स  
य॒स्माऽअ॒न्वाह॒ तस्य प्रा॒णांस्त्रा॒यते ॥७॥ ता॒ ह॒ैके । सा॒वि॒त्रीम॒नुष्टु॒भम॒न्वाहु॑र्वा-  
ग॒नुष्टु॒बे॒तद्वा॒चम॒नुब्रू॑म इति न त॒था कुर्या॑द्गा॒यत्रीमे॒वानु॒ब्रूया॒द्यदि ह वाऽअ॒पि  
ब॒ह्वि॒व प्र॒तिगृ॒ह्णाति॒ न ह॒ैव त॒द्गा॒यत्र्या ए॒कं च॒न पदं प्र॒ति ॥८॥ स य इ॒मांस्त्री-  
लो॒का॒न् । पूर्णा॒न्प्र॒तिगृ॒ह्णीया॒त्सोऽस्या ए॒तत्प्रथ॑मं पदमा॒प्नुया॒द्य या॒वती॒यं त्रयी॒  
वि॒द्या यस्ता॒वत्प्र॒तिगृ॒ह्णीया॒त्सोऽस्या ए॒तद्वि॒तीयं पद॑मा॒प्नुया॒द्य या॒वदि॒दं प्रा॒णि  
यस्ता॒वत्प्र॒तिगृ॒ह्णीया॒त्सोऽस्या ए॒तत्तृ॒तीयं पद॑मा॒प्नुया॒द्यास्या ए॒तदे॒व तुरी॒यं दर्श॑तं  
पदं परो॒रजा य एष त॒पति॒ नैव के॒न च॒नाप्यं कु॒त उ॒ऽए॒ता॒वत्प्र॒तिगृ॒ह्णीया॒त् ॥९॥  
तस्या॒ उप॒स्थान॑म् । गा॒यत्र्य॒स्येक॒पदी॒ द्वि॒पदी॒ त्रि॒पदी॒ च॒तुष्प॒द्यप॒दसि॒ न हि प॒द्यसे  
॥ न॒मस्ते॒ तुरी॒याय॒ दर्श॑ताय॒ पदा॒य परो॒रज॒सेऽसा॒वदो मा प्रा॒पदि॒ति यं द्वि॒ष्याद॒-  
सा॒वस्मै का॒मो मा स॒मर्धी॒ति वा न ह॒ैवा॒स्मै स का॒मः स॒मृध्य॑ते य॒स्माऽए॒वमु॒प-  
ति॒ष्ठतेऽह॑म॒दः प्रा॒पमि॒ति वा ॥१०॥ ए॒तद् वै त॒ज्जन॑को वि॒देहो॒ । बु॒डिल॑मा॒श्व-